

白知錄集釋

(外七種)

一、

二、

三、

四、

五、

(清)顧炎武著

(清)黃汝成集釋

# 白知錄集釋

(外七種) 上

上海古籍出版社

## 出版說明

《日知錄》一書，爲明清之際思想家、學者顧炎武（一六一三——一六八二）所著。炎武字寧人，初名絳，江蘇崑山人。曾自署蔣山傭，學者稱亭林先生。崇尚實學，博極古今，於羣經諸史、歷代典章制度、河漕兵農、天文輿地、藝文、掌故、音韻訓詁等都有深湛研究。晚年治經側重考證，開清代樸學風氣。著作有《天下郡國利病書》、《肇域志》、《音學五書》、《韻補正》等。《日知錄》爲其稽古有得，隨時割記，積三十餘年而編次成書者。旨

在資治，「平生之志與業皆在其中」。凡經義、吏治、財賦、史地、兵事、藝文等，皆一一因原竟委，考正得失，論據精詳，文理通達，洵爲名山絕業之作。

炎武生前所刊《日知錄》僅八卷本，未嘗廣播。至康熙中，門人潘耒從其家求得手稿，刻成三十二卷行世。流傳既久，學者如閻若璩等數十家，各有校文疏證。道光初，黃汝成（一七九九——一八三七）博採諸家之說，抉擇精義，纂爲《日知錄集釋》三十二卷。其序例著錄，自閻若璩以下，都九十餘家，正其得失，勒爲一編。書成，復得是書原寫本以校潘刻，間有舛

謁，乃綜括羣言，詳加辨正，得七百餘條，成《刊誤》二卷，繼得嘉興陸筠校本，發明考證，又多裨益，作《續刊誤》二卷。由是讀是書者，推爲最精善之本。

黃汝成字庸玉，一字潛夫，江蘇嘉定縣人。清道光時諸生，選泗州訓導，以父艱未赴，卒年三十九。除《集釋》外，有《古今歲實考校補》一卷和《古今朔實考校補》一卷行世。於《日知錄集釋》用力最深，傳誦士林。別有《日知錄之餘》四卷，爲後人輯錄潘刻所無，乾隆時始附刻潘本之後，黃氏撰《集釋》時蓋未之見也。

《集釋》之後，致力斯書者，有清李遇孫之《日知錄續補正》三卷，蓋編次閻氏《日知錄補正》之餘，參以己見及諸家之說所駁正者，得若干條，分爲二卷。又清丁晏《日知錄校正》一卷，則據吳玉搢評本及閻若璩《補正》，又晏子壽昌校語等，裒輯而成，以補前人所未及。清末俞樾著有《日知錄小箋》一卷，爲其讀書心得，亦具精義。又近人黃侃有《日知錄校記》一卷，別據舊鈔本校《集釋》所未及，今人潘承弼（景鄭）有《日知錄補校》一卷，及《版本考略》一卷，則補黃校所未及者。以上各著，足補《集釋》所未備。

黃氏《集釋》以清道光十四年家刻本爲善，茲據以影印。又康熙符山堂

初刻之《日知錄》八卷本，僅北京圖書館及上海圖書館有藏，現據上海圖書館藏本付印，缺葉以北圖本補配，並附傅增湘先生跋文，俾與後刻本比勘，藉見前賢學業無止境，隨得隨削，不護前失也。此外，《日知錄之餘》用清宣統二年吳縣鄒氏刊本。李遇孫《續補正》，用《廣倉學齋叢書》本。丁晏《校正》，用《小方壺齋叢書》本。俞樾《小箋》，用《春在堂全書·曲園雜纂》本。黃侃《校記》，用龍沐勛刊本。潘承弼《補校版本考略》，用《制言》雜誌本。特薈萃成編，供讀者研討。

上海古籍出版社 一九八四年三月

白知錄集釋

據清道光十四年嘉定黃  
氏西谿草廬重刊定本影  
印原書版框高一八八毫米  
寬一三三毫米



# 日知錄集釋(外七種)目次

日知錄集釋 附刊誤、續刊誤	三
日知錄八卷本附議觚十事	二六二
日知錄之餘	二九三
日知錄續補正	三一四
日知錄校正	三二四
日知錄小箋	三二七
日知錄校記	三三五
日知錄補校版本考略	三四三

日知錄  
卷之二  
十一

道光十四年仲冬嘉定黃  
氏西谿草廬重刊定本

欽定四庫全書提要

日知錄三十二卷 國朝顧炎武撰炎武有左傳杜  
解補正已著錄是書前有自記稱自少讀書有所得  
輒記之其有不合時復改定或古人先我而有者則  
遂削之積三十餘年乃成一編蓋其一生精力所注  
也書中不分門目而編次先後則略以類從大抵前  
七卷皆論經義八卷至十二卷皆論政事十三卷論  
世風十四卷十五卷論禮制十六卷十七卷皆論科  
舉十八卷至二十一卷皆論藝文二十二卷至二十  
四卷雜論名義二十五卷論古事真妄二十六卷論  
史法二十七卷論注書二十八卷論雜事二十九卷

論兵及外國事三十卷論天象術數三十一卷論地理三十二卷爲雜考證炎武學有本原博瞻而能通貫每一事必詳其始末參以證佐而後筆之於書故引據浩繁而牴牾者少非如楊慎焦竑諸人偶然涉獵得一義之異同知其一而不知其二者閻若璩作潛邱劄記嘗補正此書五十餘條若璩之壻沈儼特著其事於序中趙執信作若璩墓誌亦特書其事若璩博極羣書睥睨一代雖王士禛諸人尙謂不足當抨擊獨於詰難此書沾沾自喜則其引炎武爲重可概見矣然所駁或當或否亦互見短長要不足爲炎武病也惟炎武生於明末喜談經世之務激於時事

慨然以復古爲志其說或迂而難行或愎而過銳觀  
所作音學五書後序至謂聖人復起必舉今日之音  
而還之淳古是豈可行之事乎潘耒作是書序乃盛  
稱其經濟而以考據精詳爲末務殆非篤論矣



敘曰自明體達用之學不修僞生鉅材日事纂述而鴻通  
瓌異之資遂率隳敗於詞章訓詁襞績破碎之中漢時經  
術修明賢哲著書大都采擇傳記百家論說時政與己志  
而已魏晉以降著錄始廣唐以後遂岐分爲數家其善者  
自典章經制文物度數以及佛老之書徼裔之迹莫不明  
其因革損益巨細本末號稱繁博然求其坐而言可起而  
行修諸身心達於政事者不數覲焉崑山顧亭林先生質  
敏而學勤誼醇而節峻出處貞亮固已合於大賢雖遭明  
末喪亂遷徙流離而撰述不廢先後成書二百餘卷閣廓  
輿蹟咸職體要而智力尤瘁者此也其言經史之微文大  
義良法善政務推禮樂德刑之本以達質文否泰之遷嬗



錯綜其理會通其旨至於賦稅田畝職官選舉錢幣權量水利河渠漕運鹽鐵人材軍旅凡關家國之制皆洞悉其所由盛衰利弊而慨然著其化裁通變之道詞尤切至明白其餘考辨亦極賅洽易曰言天下之至賾而不可惡也言天下之至動而不可亂也又曰困者德之辨也傳曰仁人之言其利溥哉豈非善成其鴻通壞異之資而畢出於體用焉哉元明諸儒其流失喜空言心性凡講說經世之事者則又迂執寡要先生因時立言頗綜覈名實意雖救偏而議極峻正直俟諸百世不惑而使天下曉然於儒術之果可尊信者也汝成鑽擊是書屢易寒暑又得潘檢討刪節元本間徵君沈鴻博錢宮詹楊大令四家校本先生